

Mythologie, Paris, 1627 - V, 03 : Des Pythiens

Auteurs : Conti, Natale ; Montlyard, Jean de (traducteur) ; Baudoin, Jean (éditeur)

Collection Mythologia, Francfort, 1581 - Livre V

Ce document est une transformation de :



[Mythologia, Francfort, 1581 - V, 02 : De Pythiis](#)

Collection Mythologia, Venise, 1567 - Livre V

Ce document est une transformation de :



[Mythologia, Venise, 1567 - V, 02 : De Pythiis](#)

Collection Mythologie, Lyon, 1612 - Livre V

Ce document est une révision de :



[Mythologie, Lyon, 1612 - V, 02 : Des jeux Pythiens](#)

[Afficher la visualisation des relations de la notice.](#)

Informations sur la notice

Auteurs de la notice

- Équipe Mythologia
- Oudin, Kenan (transcription - 06/2022)

Mentions légales

- Fiche : Projet Mythologia (CRIMEL, URCA ; IUF) ; projet EMAN, Thalim (CNRS-ENS-Sorbonne Nouvelle). Licence Creative Commons Attribution - Partage à l'Identique 3.0 (CC BY-SA 3.0 FR)
- Images : BnF, Gallica

Citer cette page

Document : "Mythologie, Paris, 1627 - V, 03 : Des Pythiens".

Auteur(s) de la notice : Équipe Mythologia.

Éditeur : Projet Mythologia (CRIMEL, URCA ; IUF) ; projet EMAN, Thalim (CNRS-ENS-Sorbonne Nouvelle).

Consulté le 25/04/2024 sur la plate-forme EMAN :

<https://eman-archives.org/Mythologia/items/show/1158>

Présentation du document

PublicationParis, Pierre Chevalier et Samuel Thiboust, 1627

ExemplaireParis (France), BnF, NUMM-117380 - J-1943 (1-2)

Formatin-fol

langue(s)Français

Paginationp. 414-416

Notice créée par [Équipe Mythologia](#) Notice créée le 30/04/2018 Dernière modification le 28/04/2023

Xenodame Anticyrien eut la couronne de l'escrime ; & en la suivan-
te Artemidore Trallian. En la 218. Apollonius escrimeur d'Alexan-
dric quise deuoit trouuer pour faire à coups de poing, fut condamné
à l'amende pour avoir fait default, & ne luy seruit de rien d'alleguer
que le vñct contraire l'auoit arresté aux Isles Cyclades, puis que ceux
qui auoient legitimement donné leurs noms se deuoient trouuer au
iour assigné. Ainsi doncques les Iuges donnerent la victoire à Hera-
clide sans auoir combatu : dont Apollonius mal-content, ainsi com-
me l'autre receuoit desla la couronne, se ietta sur luy, & le poursuivit
iusques au siege des Presidens des ieux, laquelle boutee, ou rage, luy
cousta bien cher. La huietisme apres Didas & Garapamou escri-
meurs à coups de poing, furcnt mis à Pamende, parce que Didas par
monopole auoit receu quelque argent de son compagnon pour se
laisser vaincre, tous deux estoient de la lignee d'Arsinoë d'Egypte.
Et en la 235. en laquelle Mnesibule obtint le prix de la course, on al-
longea de moitié la carriere avec les boucliers au poing, où Mnesi-
bule Eleate auoit iadis vaincu les autres coureurs. Voila comment
ces esbatemens Olympiques furent à plusieurs fois diuersifiez &
changerent de façon de faire, comme c'est l'ordinaire en la reuolu-
tion des affaires de ce monde qui ne peuvent long temps durer en
vn meisme estat. Quoy que soit on peult de ce que dessus apprendre
les exercices & esbats quon y pratiquoit, en quelles saisons ils furent
tous estableis & receus, quelle estoit la charge des Iuges qui y presi-
doient, & le prix qu'on donnoit à ceux qui auoient le mieux fait.
C'est ce quise trouve quant aux spectacles & ioustes Olympiques:
venons aux Pythiques.

Des ieux Pythiens.

• C H A P I T R E III.

Institu-
tion des
ieux Py-
thiens.

Liv. 44.
12.

IEs ieux Pythiens furent instituez long temps devant
les Isthmiens, toutesfois apres les Olympics, & se fai-
soient à l'honneur d'Apollon, ayans pris leur commen-
cement dès lors qu'il eut à coups de traits assommé Py-
thon, insigne voleur à Delphes, qui pourrit là sans sépulture ; tout-
fois d'autres disent que ce fut vn Serpent, comme nous avons veu
cy-dessus. Les autres disent qu'ils furent mis en pratique, pour-
ce qu'Apollon ayant appris l'art de deuiner de Pan, qui polça les
villes d'Arcadie de bonnes & honnêtes loix, s'en vint au lieu dé-
dié aux propheties, où Themis predisoit les choses à venir, & don-
noit réponse à ceux qui alloient là au conseil, & que mettant à

mort Python pour lors president au trepied prophetique, il se faisit de sa place. Or quand ces ieux commencerent, le plus ancien esbatement fut de chanter en faueur d'Apollon des airs & hymnes à la flute, harpe & cithre, lesquels on faisoit chanter par les ioüeurs d'instrumens. Ces ioüestes changerent par plusieurs fois de façon & cetermonies: & premierement on y institua le Pancrace ou Cinquerce, & dit-on qu'en la premiere Pythiade, en laquelle les Dieux & Heros iousterent, Castor emporta le prix de la carriere, Pollux à coups de poing, Calais à la course legere, Zetés tout armé, Pelée au disque, Te-
lamon à la lutte, Hercule au Pancrace; tous lesquels furent guirlandez de chapeaux de Laurier lors qu'Apollon establit tels passe-temps.

Exercices
des ieux
Pythi-
ques.
Pythi-
de signi-
fic l'an-
nee des
ieux Py-
thiens.

Les autres veulent dire qu'ils furent nommez Pythiens du lieu où ils se celebroient dict Pytho: ou bien du mot *pytheflai*, c'est à dire interroger & demander. La Pythiade en laquelle Achimeas Parapota-
mien vainquit tous ses compagnons à coups de poing, fut la premie-
re en laquelle les hommes iousterent, selon Pausanias. Puis apres en la
suuante les Amphictyons presidens esdits ieux, ainsi nommez d'Am-
phictyon fils de Deucalion, ou bien (selon le dire de quelques vns)
d'Amphictyon fils de Helenus, qui fut auteur de cette assemblee, ce
qui auint en la 48. Olympiade, chassèrent tous les menestriers &
ioüeurs d'instrumens, pource qu'ils chantoient ie ne scay quels airs
& chansons tristes & mal-plaisantes à ouyr, & qui n'estoient point de
bon presage. Cat les elegies, c'est à dire, vers pitoyables & accords do-
lens, leur estoient plus coutumiers qu'aucune maniere de resiouys-
fance telle qu'on la requeroit és ieux qu'on solemnissoit. Puis on se
contenta de receuoir pour le prix & enseigne de victoire vne cou-
tonne, ou guirlande, au lieu qu'auparauant le prix se payoit en ar-
gent. On y adiousta aussi la course des cheuaux, & le premier qui
l'emporta fut Clysthene Roy de Sicyone: & tous les exercices qui se
pratiquoient és Olympiques furent admis en ceux-cy, avec vne or-
donnance portant que les garçons seuls seroient leurs ioüestes tant à
la longue, qu'à la double course, dès le matin: cat on combattoit aussi
en chariot és ieux d'Olympe. En la 8. Pythiade les ioueurs de violcs
y furent admis, en laquelle Agelaus Tegeate fut couronné. En la
48. on commença de courir en chariot à deux cheuaux, en laquelle
Execestiade Phocien eut la victoire. En la cinquiesme d'apres on les
attella de quatre Poullains, & Orphondas Thebain vainquit tous ses
compagnons. Puis apres en la soixantiesme l'escrime à outrance
fut reccueü entre les garçons, & leur fut aussi permis de courre à
deux Poullains tout neufs, & non dressez, plus tard que ne firent
les Eleens. Ce fut alors que Laïdas de Thebes fut declaré vainqueur:
& quelque temps apres on commença aussi à courre avec vn Poullain
tout seul, où Lycomas Larisseen eut la couronne de Laurier;

M^m iiiij

Couron-
ne des
jeux Py-
thiens.

& la septiesme Pythiade d'après les chariots à deux Poullains furent reçus, en laquelle Ptoleme Macedonien emporta le prix. En tous ces esbatemens on donnoit au vainqueur vne guirlande de Laurier, qui estoit particuliere ausdits ieux, pource qu'on croyoit qu'elle fust plus agreable à Apollon, à cause du conte que l'on fait de la fille de Ladon qu'Apollon aimait tant, & qui fut transmusee en cet arbre. Touesfois d'autres veulent dire que les ieux Pythiques furent ordonnez long temps deuant qu'Apollon fist l'amour à la belle Daphné : & deuant qu'on sceust que c'estoit que de Laurier, on faisoit les couronnes de victoire, ou de Palme, ou d'arbres à gland, témoin Ovide au i. des Metamorphoses.

*Il ordonna des ieux de celebre exercice
Sacrez à son honneur avec prix de milice,
Les nommant Pythiens, de ce serpent infect
Qu'il auoit vaillamment à coups de traits defaict.
Quiconque en ces ieux-là de la verte Jeunesse
En la lice emportoit & l'honneur & l'adresse
A l'escrime, à la course, au chariot pondreux,
De chesne on guirlandoit son chef victorieux
Par diuers entrelas de verdoyant fueillage.
Le Laurier n'estoit pas encores en usage:
Mesme Apollon present sa teste couronnoit
Des tresses de rameaux qu'és arbres on prenoit.*

Car au commencement des ieux Pythiens on ne scauoit encore que c'estoit que de Laurier : & depuis qu'on l'eut trouue, il donna sujet à la fable susdicté de Daphné, & le trouua-on si beau qu'on en couronna ceux qui auoient le mieux faict. Or ce passage d'Ovide nous apprend que ny les Amphiictyons, ny le fils de Deucalion n'inuentereint pas les ieux Pythiens, mais bien Apollon, de ioye qu'il eut de la victoire par Iuy obtenué contre Python, & que leurs exercices estoient presque de mesme ceux des Olympiques. Les autres disent que ny la Palme, ny le Chesne, ny le Laurier, n'estoient pas le prix & le payement des vainqueurs: ains qu'on leur faisoit present de quelques pommes consacrées à ce Dieu. Mais la cause est pource que ces esbatemens & le prix qui on y proposoit, & les saisons esquelles on les exhiboit, changent souuent : car du commencement on ne les celebroit que de neuf en neuf ans, puis on les remit à cinq ans, pource qu'on dit qu'autant de Nymphes de Parnasse vindrent offrir leurs presens à Apollon apres qu'il eut assommé cette hideuse besté de Python. Il est temps de dire quelque chose de ceux qu'on solemnissoit au bois de Nemee.